



رئاسة الشؤون الدينية
بالمسجد الحرام والمسجد النبوي

Sesotho

سوتي

مَنْ خَلَقَ الْكَوْنَ؟ وَمَنْ خَلَقَنِي؟ وَلِمَذَا؟

Ke mang ea entseng bokahohle?
'Me ke bopiloe ke mang?
Hobane'ng?



اللَّجْنَةُ الْعِلْمِيَّةُ
بِرئاسة الشؤون الدينية بالمسجد الحرام والمسجد النبوي

مَنْ خَلَقَ الْكَوْنَ؟ وَمَنْ خَلَقَنِي؟ وَلِمَاذَا؟

**Ke mang ea entseng
bokahohle? 'Me ke bopiloe ke
mang? Hobane'ng?**

اللَّجْنَةُ الْعِلْمِيَّةُ

بِرئاسة الشُّؤْنِ الدِّينِيَّةِ بِالْمَسْجِدِ الْحَرَامِ وَالْمَسْجِدِ النَّبَوِيِّ

بِسْمِ اللَّهِ الرَّحْمَنِ الرَّحِيمِ

Ke mang ea entseng bokahohle? 'Me ke bopiloe ke mang? Hobane'ng?

Komiti ea Tsebo tlas'a ofisi ea Mopresidente oa Litaba tsa Bolumeli Masjid al-Haram (Mecca) le Masjid an-Nabawi (Madinah)

Na ke tseleng e nepahetseng?

Ke mang ea entseng maholimo le lefatše le libōpuoa tsohle tse khōlō tse ho tsona tse ke keng tsa lika-liketsoa?

Ke mang ea entseng tsamaiso ee e nepahetseng le e phethahetseng maholimong le lefatšeng?

Ke mang ea bōpileng motho le ea mo fileng kutlo, pono le kelello, le ho etsa hore a khone ho fumana tsebo le ho utloisisa 'nete?

Ke mang ea entseng moralo ona o nepahetseng likarolong tsa 'mele oa hau, le ho u etsa le ho ntlafatsa sebopeho sa hau?

Nahana ka pōpo ea libopuoa tse phelang ka mefuta-futa le phapang ea tsona; ke mang ea li qapileng ka ponahalo e sa lekanyetsoang?

Bokahohle bona bo boholo hakana bo boloka taolo le botsitso ba bona joang ka melao ea bona e hlophisitsoeng hantle e bo laolang ho pholletsa le lilemo?

Ke mang ea thehileng litsamaiso tse laolang lefatše lena (bophelo le lefu, ho ikatisa ha libōpuoa

tse phelang, bosiu le motšehare, linako tse fetohang, joalo-joalo)?

Na bokahohle boo bo ikentse? Kapa na bo tsoa ho lefeela? Kapa na bo bile teng ka tšohanyetso? Molimo ea Matla 'Ohle o itse:

﴿أَمْ خُلِقُوا مِنْ غَيْرِ شَيْءٍ أَمْ هُمُ الْخَالِقُونَ﴾ أَمْ خَلَقُوا السَّمَوَاتِ وَالْأَرْضَ بَلْ لَا يُوقِنُونَ ﴿٣٦﴾

Na ba bōpiloe ho tsoa ho lefeela, kapa ke bona ba bōpileng? (35

Kapa ba bōpile maholimo le lefatše? Ho e-na le hoo, ha ba na bonnete. 36 [At-Tur: 36-35]

Haeba ha rea ka ra ipopa 'me ho ke ke ha khoneha hore re tsoe ho lefeela kapa ka tšohanyetso, joale 'nete e ke keng ea latoloa ke hore bokahohle bona bo tlameha ho ba le 'Mōpi e moholo le ea nang le bokhoni, kaha ho ke ke ha khoneha hore bokahohle bona bo iketse kapa bo tsoe ho lefeela kapa bo bile teng ka tšohanyetso!

Ke hobane'ng ha motho a lumela ho lintho tseo a sa li boneng? Tse kang temoho, kelello, moea, maikutlo le lerato). Na hase hobane a bona matšoao a tsona? Joale ke joang motho a ka latolang boteng ba 'Mōpi oa bokahohle bo boholo boo empa a bona matšoao a pōpo ea Hae, mosebetsi oa matsoho a Hae, le mohau oa Hae?!

Ha ho motho ea hlaphohetsoeng kelellong ea ka amohelang ho bolelloa hore ntlo ena e bile teng ho

se motho ea e hahileng, kapa hore ha ho letho le entseng ntlo ena! Joale ke joang batho ba bang ba ka lumelang ba bolelang hore bokahohle bona bo boholo bo bile teng ntle le 'mōpi? Motho ea hlaphohetsoeng kelellong a ka lumela joang ho bolelloa hore tlhophiso ee e nepahetseng e phethahetseng ea bokahohle e bile teng ka tšohanyetso?

Tsena tsohle li re isa qetong e le 'ngoe: hore bokahohle bona bo na le Morena e moholo, ea matla, le ea nang le bokhoni, ea bo laolang, le hore ke Eena feela ea tšoaneloang ke khumamelo, le hore sohle se khumameloang ka ntle ho Eena se khumamelo ka bohata 'me ha sea tšoanela ho rapeloa.

Morena, Mmopi e moholo

Ho na le 'Mōpi a le mong Morena, Monghali, Mookameli, Mofani, ea fanang ka bophelo le ea bakang lefu. Ke Eena ea entseng lefatše 'me a le etsa hore le be tlas'a taolo, 'me a le etsa hore le tšoanele libōpuoa tsa Hae. Ke Eena ea entseng maholimo le tse ka har'a 'ona tsa libopuoatse kholo, 'me O etselitse letsatsi, khoeli, bosiu le motšehare taelo ena e nepahetseng e bontšang boholo ba Hae.

Ke Eena ea re etselelitseng moea oo re ke keng ra phela ntle le oona. Ke Eena ea re nesetsang pula, A re etsetsa maoatle le linōka. Ke Eena ea ileng a re fepa le ho re boloka re sa le masea ka pōpelong ea

bo-'m'a rōna, re se na matla a letho. Ke Eena ea entseng hore mali a phalle methapong ea rona ho tloha tsoalong ea rona ho fihlela re e-shoa.

Enoa ke Morena, 'Mopi le Mofani, ke Molimo ea Matla 'Ohle.

Allah Ea Matla Ohle O re:

﴿إِنَّ رَبَّكُمُ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَىٰ عَلَى الْعَرْشِ يُغْشَىٰ اللَّيْلَ النَّهَارَ يَطْلُبُهُ حَثِيثًا وَالشَّمْسُ وَالْقَمَرُ وَالْكَوْمُ مُسْتَخَرَاتٌ بِأَمْرِهِ ۚ لَا لَهُ الْخَلْقُ وَالْأَمْرُ تَبَارَكَ اللَّهُ رَبُّ الْعَالَمِينَ ﴿٥١﴾﴾

Ruri, Morena oa lona ke Allah, Ea entseng maholimo le lefatše ka matsatsi a tšeletseng, 'me a phahama ka holimo ho Terone. O koahela bosiu ka motšoare, 'me motšehare o potlakela ho latela bosiu. Le letsatsi, khoeli, le linaleli, tsohle li tlas'a taelo ea Hae. Ha ho pelaelo hore pōpo le taelo ke tsa Hae. Ho bokoe Allah, Mong`a lintho tsohle. [Al-A'raaf: 54]

Allah ke Morena 'Mōpi oa lintho tsohle tse teng bokahohleng, tseo re li bonang le tseo re sa li boneng. Tsohle ntle le Eena ke libopuoat tsa Hae. Ke Eena feela ea lokeloang ho khumameloat, 'me ho se be le mang kapa mang ea rapeloang hammoho le Eena. Ha a na molekane pusong ea Hae, le pōpong, le tsamaisong, kapa khumamelong ea Hae.

Leha re ne re ka nka, ka lebaka la khang, hore ho na le melimo e meng ntle ho 'Mopi, khanya ea Hae e

ke e phahamisoe, bokahohle bo ne bo tla senyeha; hobane ha hoa lokela hore melimo e 'meli e laole litaba tsa bokahohle ka nako e le 'ngoe. Molimo ea Matla 'Ohle o itse:

﴿لَوْ كَانَ فِيهِمَا آلَاءُ اللَّهِ لَفَسَدَتَا...﴾

Haeba ho tsona (ho maholimo le lefatše) ho ne ho na le melimo e meng ntle le Allah, ka bobeli ba ka be ba senyehile. [Al-Anbiya: 22]

Litšobotsi tsa Morena 'Mōpi

Morena, A ke a tlotlisoe, O na le Mabitso a matle ka ho fetisisa a se nang palo le litšobotsi tse phahameng le tse hlollang tse bontšang phetheho ea Hae ke ngata ka ho fetisisa. Har'a mabitso a Hae ke: "Allah" 'me moelelo oa lona ke (Molimo a le Mong feela ea tšoaneloang ke ho rapeloa a le mong, ea se nang molekane). Al-Hayy (Ea Phelang ka ho sa Feleng), Al-Qayyum (Ea ikemetseng), le Ar-Raheem (Ea Mohau ka ho Fetisisa), le Ar-Razzaq (Ea Fanang ka Botlalo), le Al-Kareem (Ea seatla se bulehileng). Allah Ea Phahameng O re ka har'a Qur'an e Halalelang:

﴿اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ الْعَظِيمُ ﴿٢٢٠﴾﴾

Allah - ha ho molimo ofe kapa ofe o lokeloang ke

khumamelo kantle ho Eena, Ea phelang ka ho sa Feleng, Ea nang le boikemelo ka ho sa feleng, mohloli oa bophelo bohle. Ea sa otseleng kapa ho tšoaroa ke boroko. Tsohle tse maholimong le tse lefatšeng ke tsa Hae – ke mang ea ka buellang ba bang ho Eena haese ka tumello ea Hae? O tseba tse ka pele ho bona le tse ka morao ho bona, 'me ha ba lika-liketse letho la tsebo ea Hae haese seo A se ratileng. Kursi (Popo e kholo Ka holimo ho maholimo a supileng) e pharaletse holim'a maholimo le lefatše, 'me ke Ea Phahameng ka ho Fetisisa, Ea Moholo-holo. (255) [Al Baqarah: 255]

Allah Ea Matla Ohle A re:

﴿قُلْ هُوَ اللَّهُ أَحَدٌ ۝ اللَّهُ الصَّمَدُ ۝ لَمْ يَلِدْ وَلَمْ يُولَدْ ۝ وَلَمْ يَكُنْ لَهُ كُفُوًا أَحَدٌ﴾

E re: Ke Allah Ea o mong

Allah Ea teng ka ho sa feleng

Ha a tsoale kapa hona ho tsoaloa.

Mme ha ho ea ka lekanngoang le Eena. [Al-Ikhlaas 1-4]

Morena ea rapeloang o khetholloa ka litšobotsi tsa phetheho.

E 'ngoe ea litšobotsi tsa Hae ke hore ke Eena ea khumameloang le ea rapeloang a le mong, 'me ntho e 'ngoe le e 'ngoe ke sebopuo se tlametileng, se laetsoeng, le se ikokobelitseng.

Har'a litšobotsi tsa Hae ke hore ke Ea Phelang ka

ho sa Feleng, Ea phelisang. Sebōpuoa se seng le se seng se phelang se bōpiloe ke Molimo, ea se entseng ho tsoa ho ha ho letho. O tšehetsa sebopuoā ka boteng, phepo, le tsohle tseo se li hlokanā. 'Mopi ke Ea Phelang ka ho sa Feleng, ea sa shoeng le ea sa feleng, Ke Ea Iphelisang, ea sa robaleng; ruri, ha a otsele kapa ho tšoarōa ke boroko.

E 'ngoe ea litšobotsi tsa Hae ke hore ke Ea Tsebang Tsohle, eo ho seng letho le patehileng ho Eena lefatšeng kapa leholimong.

Har'a litšobotsi tsa Hae ke hore ke Ea Utloang Tsohle, Ea bonang tsohle, Ea utloang ntho e 'ngoe le e 'ngoe 'me O bona sebopuoā se seng le se seng. O tseba seo meea e sebatlang le seo lipelo li se patang, ha ho letho le patehileng ho Eena, - khanya e be ho Eena - lefatšeng kapa leholimong

Har'a litšobotsi tsa Hae ke hore ke Ea Matla 'Ohle, eo ho seng letho le ka mo hlōlang le eo thato ea Hae ho seng motho ea ka e thibelang. O etsa seo A se ratang, 'me o thibela seo A se ratang, O tliša pele, 'me O behella morao, 'me O na le bohlae bo phethahetseng.

Har'a litšobotsi tsa Hae ke hore ke 'Mōpi, Mofani, Mookameli ea bopileng le ho laola popo, 'me popo e matsohong a Hae le tlas'a puso ea Hae.

E 'ngoe ea litšobotsi tsa Hae ke hore ke Eena ea arabang ba mahlomoleng, ea thusang ba matšoenyehong, le ea imollang mahlomoleng. Sebopuoā se seng le se seng, ha se oela

mahlomoleng kapa tsietsing, se retelehela ho Eena ka tlhoko.

Khumamelo ha ea lokela ho etsetsoa mang kapa mang ntle le ho Allah Ea Matla 'Ohle feela, hobane ke Eena ea phethahetseng a le mong ea lokeloang ke eona, 'me tsohle tse khumameloang kante ho Eena li khumamelo ka bohata, 'me li na le bofokoli kahoo lia shoa lia timela.

Molimo ea Matla 'Ohle o re putsitse ka likelello tse lemohang ho hong ka boholo ba Hae 'me o kentse ka ho rōna semelo sa tlhaho se ratang botle, se hloileng bobele, le ho fumana khotso ha re sokolohela ho Molimo, Mong'a lintho tsohle. Semelo sena sa tlhaho se bontša phetheho ea Hae le hore A ke ke a hlaloso e le ea haelloang ea nang le bofokoli, khanya e be ho Eena

Ha hoa lokela hore motho ea nang le kelello a rapele mang kapa mang haese ea phethahetseng, kahoo ke joang a ka rapelang sebōpuoa se nang le sekoli se kang eena kapa se ka tlaase ho eena!

Ea rapeloang e ke ke ea e-ba motho, setšoantšo, sefate, kapa phoofolo!

'Mopi O ka holimo ho maholimo a Hae, O phahame ka holimo ho Terone Ea hae, O arohane le pōpo ea Hae. Ha ho letho la tlholeho ea Hae le leng teng ka hare ho boleng ba Hae, leha e le letho la boleng ba Hae le teng ka hae ho tlholehong ea Hae. Ha a lule kapa ho nka sebopeho sa nama ho eng kapa eng ea pōpo ea Hae.

Morena ha ho letho le ka tšoanang le Eena, 'me ke Ea Utloang tsohle, Ea bonang tsohle, 'me ha ho ea ka lekanngoang le Eena. O ikemetse Ka Bo Eena h'a hloke thuso ea libopuoana tsa Hae, ha a robale, ha a je lijo, 'me O moholo ka ho fetisisa, a ke ke a ba le mosali kapa ngoana. Hoba 'Mōpi o na le litšobotsi tsa boholo 'me le ka mohla a ke ke a hlalosoana e le mohloli kapa ea nang le bofokoli.

Allah Ea Phahameng O re:

﴿يَا أَيُّهَا النَّاسُ ضَرْبَ مَثَلٍ فَاسْتَمِعُوا لَهُ إِنَّ الَّذِينَ تَدْعُونَ مِنْ دُونِ اللَّهِ لَنْ يَخْلُقُوا ذُبَابًا وَلَوْ اجْتَمَعُوا لَهُ وَإِنْ يَسْلُبْهُمُ الذُّبَابُ شَيْئًا لَا يَسْتَنْقِذُوهُ مِنْهُ ضَعُفَ الطَّالِبُ وَالْمَطْلُوبُ ﴿٧٣﴾ مَا قَدَرُوا اللَّهَ حَقَّ قَدْرِهِ إِنَّ اللَّهَ لَقَوِيٌّ عَزِيزٌ ﴿٧٤﴾﴾

Oho batho, mohlala o fanoe, kahoo mamelang. Ruri, bao le ba kopang kante ho Allah, ba ka se bope , leha ba bokane ka morero oo. Haeba ntsintsi leha ba ne ba ka kopana kaofela [ho leka ho e bopa], joale haeba ntsintsi e ne e ka utsoa ho bona se senyenyane ba ne ba ke ke ba se khutlisa. Ka bobeli ea kopang le ea kopuoang ba ea fokola.

Ha baa ka ba ananela Molimo ka tsela e loketseng. Ruri, Allah O na le Matla 'Ohle, O Phahame ka matla. [Al-Hajj: 73-74].

**Ke hobane'ng ha 'Mōpi enoa e Moholo a re
bōpile? 'Me O batla eng ho rona?**

Na ho etsa kelello hore Molimo O bōpile libopuoana tsee kaofela ntle ho morero? A na O ba bopetse

lefeela, leha A le Mohlale-hohle, Ea Tsebang Tsohle?

Na ke ntho e ka etsang kelello hore Ea re bōpileng ka ho nepahala le ka phetheho le bokhabane bo phahameng, 'me a behile tlas'a rōna se maholimong le lefatšeng, a ka re bōpa re se na morero, kapa a re siea re se na karabo ea lipotso tse bohlokoa ka ho fetisisa tse re tšoenyang, tse kang: Ke hobane'ng ha re le teng? Ho etsahala'ng ka mor'a lefu? Morero oa pōpo ea rona ke ofe?

Na ke ntho e ka etsang kelello hore ho ne ho ke ke ha e-ba le kotlo bakeng sa mohatelli 'me ho ne ho ke ke ha e-ba le moputso bakeng sa ea lokileng?

Allah ea Matla 'Ohle O re:

﴿أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ﴾

Na le ne le nahana hore Re le bōpetse lefeela, le hore le ke ke la khutlisetsoa ho Rona? 115 [Al-Mu'minun: 155].

Ho e-na le hoo, Allah O ile a romela Baromuoa ho tla re tsebisa morero oa ho ba teng ha rōna, 'me a re tataisa mabapi le mokhoa oa ho Mo khumamela le ho atamela haufi Eena, O batla eng ho rōna! 'me re fumana joang mohau oa Hae, 'me a re tsebisa ka qetello ea rōna ka mor'a lefu?

Allah rometse Baromuoa ho re bolella hore ke Eena feela ea tšoaneloang ke khumamelo, ho re ruta mokhoa oa ho mo khumamela, ho fetisa litaelo le lithibelo tsa hae ho rona, le ho re ruta litekanyetso tse ntle tseo, haeba re li amohela, li tla etsa hore

bophelo ba rona bo be monate le bo tletseng litlhothonolofatso le botle.

Allah O ile a romela baromuo a ba mangata, joaloka: Noe, Abrahama, Moshe, le Jesu, 'me a ba tšehetsa ka lipontšo le mehlolo e pakang bonnete ba bona le hore e ne e le baromuo a ba tsoang ho Eena, Ea Phahameng ka ho Fetisisa. 'Me oa ho qetela ho bona ebile Muhammad (khotso e be le bona).

Baromuo a ba re boleletse ka ho hlaka hore bophelo bona ke teko le hore bophelo ba 'nete bo tla ba teng ka mor'a lefu.

Le hore ho na le Paradeise bakeng sa balumeli ba khumamelang Allah a le mong, Ea se nang balekane, ba bile ba lumela ho baromuo a bohle, 'me ho na le Mollo oo Allah a o lokiselitseng bahanyetsi ba neng ba khumamela melimo e meng ntle le Allah, kapa ba sa lumeleng ho e mong oa baromuo a ba Allah.

Allah Ea Matla Ohle O re:

﴿يَبْنَىٰٓءَآدَمَ ۖ إِنَّمَا يَأْتِيَنَّكُمْ رُسُلٌ مِّنْكُمْ يَقُصُّونَ عَلَيْكُمْ ۖ ءَايَاتِي فَمَنِ اتَّقَىٰ وَأَصْلَحَ فَلَا خَوْفٌ عَلَيْهِمْ وَلَا هُمْ يَحْزَنُونَ ﴿٣٥﴾ وَالَّذِينَ كَذَّبُوا بِآيَاتِنَا وَاسْتَكْبَرُوا عَنْهَا أُولَٰئِكَ أَصْحَابُ النَّارِ ۖ هُمْ فِيهَا خَالِدُونَ ﴿٣٦﴾﴾

Oho bana ba Adama, ha ho ka tla ho lona baromuo a ba tsoang har'a lona, ba le balla litemana tsa Ka, joale mang kapa mang ea tšabang Allah, 'me a lokisa litsela tsa hae, ho ke ke ha e-ba le tšabo ho bona, kapa hona ho sareloa.

'Me ba latotseng litemana tsa Rona, 'me ba

ikhohomosetsa tsona - bao ke batho ba mollo; ba tla hlola teng ka ho sa feleng. [Al A'raaf: 35-36].

Allah Ea Phahameng O re:

﴿يَا أَيُّهَا النَّاسُ أَعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ ﴿٣٥﴾ الَّذِي جَعَلَ لَكُمُ الْأَرْضَ فِرَاشًا وَالسَّمَاءَ بِنَاءً وَأَنْزَلَ مِنَ السَّمَاءِ مَاءً فَأَخْرَجَ بِهِ مِنْ الثَّمَرَاتِ رِزْقًا لَكُمْ فَلَا تَجْعَلُوا لِلَّهِ أَنْدَادًا وَأَنْتُمْ تَعْلَمُونَ ﴿٣٦﴾ وَإِنْ كُنْتُمْ فِي رَيْبٍ مِمَّا نَزَّلْنَا عَلَىٰ عَبْدِنَا فَأْتُوا بِسُورَةٍ مِثْلِهِ وَادْعُوا شُهَدَاءَكُمْ مِنْ دُونِ اللَّهِ إِنْ كُنْتُمْ صَادِقِينَ ﴿٣٧﴾ فَإِنْ لَمْ تَفْعَلُوا وَلَنْ تَفْعَلُوا فَاتَّقُوا النَّارَ الَّتِي وَقُودُهَا النَّاسُ وَالْحِجَارَةُ أُعِدَّتْ لِلْكَافِرِينَ ﴿٣٨﴾ وَبَشِّرِ الَّذِينَ ءَامَنُوا وَعَمِلُوا الصَّالِحَاتِ أَنَّ لَهُمْ جَنَّاتٍ تَجْرَى مِنْ تَحْتِهَا الْأَنْهَارُ كُلَّمَا رُزِقُوا مِنْهَا مِنْ ثَمَرَةٍ رِزْقًا قَالُوا هَذَا الَّذِي رُزِقْنَا مِنْ قَبْلُ وَأُتُوا بِهِ مُتَشَابِهًا وَلَهُمْ فِيهَا أَزْوَاجٌ مُطَهَّرَةٌ وَهُمْ فِيهَا خَالِدُونَ ﴿٣٩﴾﴾

Oho batho, khumamelang Mong'a lona ea le bopileng le ba bileng teng pele ho lona, hore le tle le be ba tšabang Molimo.

Ea entseng lefatše bethe bakeng sa lōna, le leholimo e le sekhurumetso, 'me A romella ho tsoa leholimong pula, 'me ka eona hlahisa litholoana e le mokhoa oa phepo ho lona. Kahoo le se ke la fa Allah balekane empa le tseba [hore ha ho letho le tšoanang le Eena].

Haeba le na le pelaelo ka seo re se senoletseng mohlanka oa Rona, hlahisang khaolo e kang ena, le bitse lipaki tsa lona [batšehetsi] ntle le Allah. Haeba le bua nnete.

Empa haeba le sa etse joalo - 'me le ke ke la

khona - kahoo tšabang mollo oo libeso tsa oona e leng batho le majoe, o lokiselitsoeng ba sa lumeleng.

'Me u fana ka litaba tse monate ho ba lumelang le ba etsang liketso tse lokileng hore ba tla ba le lirapa [Paradeiseng] tseo linōka li phallang ka tlas'a tsona. Nako le nako ha ba fuoa phepo ea litholoana ho tsoa ho eona, ba re: "Sena ke seo re neng re se fepuo a pele," 'me ba tla fuoa se tšoanang le sona. 'Me teng ba tla ba le basali ba hloekisitsoeng, 'me ba tla hlola teng ka ho sa feleng. [Al Baqarah: 21-25]

Hobaneng barumouoa bane bale bangata?

Allah O rometse baromuoa ba Hae lichabeng tsohle. Ha ho sechaba seo Allah A sa kang A romela moromuoa ho sona, A ba bitsetsa ho khumamela Mong'a bona le ho fetisa litaello le lithibelo tsa Hae. 'Me Sepheo se seholo sa pitso ea bona e ne e le: ho khumamela Allah feela a le mong, Ea Matla 'Ohle. Neng le neng ha sechaba se ne se qala ho lahla kapa ho sotha seo moromuoa oa sona a se tlisitsoeng — taello ea ho rapela Molimo a le mong — Allah O ne a romela moromuoa e mong ho tla lokisa tsela le ho tataisa batho hore ba khutlele tseleng e nepahetseng ea ho lumela hore Molimo o mong le ho mamela Molimo.

Ho fihlela Allah A koala boporofeta ka Muhammad, khotso le litlhohonolofatso tsa Allah li be holim'a hae, ea tlisitseng bolumeli bo felletseng le molao oa ka ho sa feleng, oa bokahohle bakeng sa

batho bohle ho fihlela Letsatsing la Tsoho, bo phethetseng le ho hlakola melao e fetileng. Morena, Ea Matla 'Ohle, o ile a tiisa hore bolumeli bona bo tla lula bo le teng le ho mamella ho fihlela Letsatsing la Tsoho.

Motho eka se be molumeli ho fihlela a lumela ho barumuoa kaofela

Allah ke Eena ea rometseng barumuoa 'me a laela libopuoa tsohle tsa hae ho ba mamela. Mang kapa mang ea sa lumeleng molaetsa oa e mong oa bona, eo ha a lumele ho bohle. Ha ho sebe se seholo ho feta sa hore motho a hane tšenolo ea Molimo. Ka hona, ho kena Paradeiseng, motho o tlameha ho lumela ho barumuoa bohle.

Ke tokelo ho e mong le e mong nakong ena ho lumela ho Allah le ho barumuoa ba Allah, le ho lumela ho Letsatsi la ho Qetela. Sena se ka finyelloa feela ka ho lumela le ho latela oa ho qetela oa bona le tiiso ea bona, Muhammad, ea tšehelitsoeng ke mohlolo oa ka ho sa feleng, e leng Qur'an e Halalelang, eo Allah a tiisitseng ho e boloka ho fihlela A rua lefatše le tsohle tse ho lona.

Allah o boletse ka har'a Quran e Halalelang hore mang kapa mang ea hanang barumuoa leha e le ofe oa barumuoa ba Hae eo ke mohanyetsi ea sa lumeleng ho Allah le mohanyetsi oa tšenolo ea Hae. Allah Ea Matla 'Ohle O itse:

﴿إِنَّ الَّذِينَ يَكْفُرُونَ بِاللَّهِ وَرُسُلِهِ وَيُرِيدُونَ أَنْ يُفَرِّقُوا بَيْنَ اللَّهِ وَرُسُلِهِ وَيَقُولُوا نُؤْمِنُ بِبَعْضٍ وَنَكْفُرُ بِبَعْضٍ وَيُرِيدُونَ أَنْ يَتَّخِذُوا بَيْنَ ذَلِكَ سَبِيلًا ﴿١٥٠﴾ أُولَٰئِكَ هُمُ الْكَافِرُونَ حَقًّا وَأَعْتَدْنَا لِلْكَافِرِينَ عَذَابًا مُهِينًا ﴿١٥١﴾﴾

Ruri,ba sa lumeleng ho Allah le ho Baromuoa ba hae, ‘me ba lakatsa ho khetholla lipakeng tsa Allah le Baromuoa ba Hae, ba re: “Re lumela ho ba bang, ‘me re hana ba bang,” ‘me ba lakatsa ho nka tsela lipakeng tsa bona.

Bao ke ba sa lumeleng e le ka ‘nete, ‘me re lokiselitse ba sa lumeleng kotlo e tlotlolang. [Al Nisaa: 150-151]

Ka hona, rona Mamosleme re lumela ho Allah le ho Letsatsi la ho Qetela joalo ka ha Allah a laetse, ‘me re lumela ho baromuoa bohle le mangolo ‘ohle a fetileng. Allah ea Matla ‘Ohle o itse:

﴿عَمَّا نَزَّلَ بِمَا أَنزَلَ إِلَيْهِ مِنْ رَبِّهِ وَالْمُؤْمِنُونَ كُلٌّ آمَنَ بِاللَّهِ وَمَلَكِهِ وَكُتُبِهِ وَرُسُلِهِ لَا نُفَرِّقُ بَيْنَ أَحَدٍ مِّن رُّسُلِهِ وَقَالُوا سَمِعْنَا وَأَطَعْنَا غُفْرَانَكَ رَبَّنَا وَإِلَيْكَ الْمَصِيرُ ﴿٢٨٥﴾﴾

Moromuoa o lumetse ho seo a se senoletsoeng ho tsoa ho Morena oa hae, le balumeli le bona ba lumetse. Bohle ba lumetse ho Allah, le ho Mangeloi a Hae, ho Libuka tsa Hae, ho Baromuoa ba Hae. Ba re: “Ha re khetholle le ea mong pakeng tsa baromuoa ba Hae.” Ba boetse ba re: “Re utloile, re mametse. Re kopa tsoarelo ea Hao, Morena oa rona, ‘me ho Uena ke moo re tla khutlela teng.” [Al

Baqarah: 285].

Qu'ran e Halalelang ke eng?

Quran e Halalelang ke lentsoe la Allah ea Matla 'Ohle le tšenolo ea Hae eo A e senoletseng Moromuoa oa hae oa ho qetela, Muhammad ﷺ. Ke mohlolo o moholo ka ho fetisisa o pakang bonnete ba boporofeta ba hae, 'me Quran e Halalelang ke 'nete likahlolong tsa eona le 'nete litlalehong tsa eona.

Allah O nnile a phephetsa bahanyetsi hore ba hlahise le haele surah (khaolo) e le 'ngoe feela e tsoanang le eona (le Qur'an), empa ha ba kaa ba khona ho etsa joalo ka lebaka la boholo ba likahare tsa eona le bophara ba litaba tsa eona tse akaretsang tsohle tse amanang le motho bophelong ba lefatše lena le bo tlang ka morao ho lefu. E boetse e kenyelletsa linnete tsohle tsa tumelo tse tlamehang ho lumeloa.

E boetse akarelletsa litaello le lithibelo tseo motho a tlamehang ho li latela kamanong ea hae le Mong'a hae, kapa ho eena ka boeena, kapa pakeng tsa hae le libopuo tse ling kaofela, 'me tsohle tsena li hlahisitsoe ka mokhoa o phahameng oa bokhabane ba puo le tlhaloso e hlakileng.

E boetse e akarelletsa bopaki bo bongata ba kelello le linnete tsa tsebo tse bontšang hore buka ena e ne e ke ke ea etsoa ke batho, empa ho e-na le hoo ke lentsoe la Morena oa moloko oa batho, Ea

Matla 'Ohle.

Bolumeli ba Islam ke eng?

Islam ke boinehelo ho 'Allah ea Matla 'Ohle ho mo 'ngoefatsa khumamelong, ho mo mamela, ho latela molao oa Hae ka khotsofalo le kamohelo, le ho se lumele ho tsohle tse khumameloang kante ho Allah.

Allah O rometse baromuoa ka molaetsa o le mong e leng: pitso khumamelong ea Allah a le mong, ntle le balekane, le ho lahla tsohle tse khumameloang kante ho Allah.

Islam ke bolumeli ba Baporofeta bohle. Pitso ea bona e 'ngoe, empa melao ea bona ea fapana. Kajeno Mamosleme ke 'ona feela a khomarelang bolumeli ba 'nete bo tlisitsoeng ke Baporofeta bohle. 'Me Molaetsa oa Islam nakong ena ke oa 'nete, ke molaetsa oa ho qetela o tsoang ho 'Mopi o eang ho batho.

Morena ke Eena ea rometseng Abrahama, Moshe — le Jesu, khotso e be le bona — ke Eena Morena ea rometseng Moporofeta oa ho qetela oa Baprofeta, Muhammad ﷺ, 'me molao oa Islam o tlele ho hlakola melao e tileng pele ho eona.

Ruri Malumeli 'ohle ao batho ba rapelang ka oona kajeno —kathoko ho bolumeli ba Islam — ke malumeli a iketselitsoeng ke batho; kapa malumeli ao e neng e le a bomolimo empa hamorao a silafatsoa ka matsoho a batho kahoo a fetoha

motsoako oa litšōmo, lipale tsa bohata tse fetisoang melokong le litlhaloso le boiteko ba boiqapelo ba batho.

Haele Bolumeli ba Mamosleme ke tumelo e le 'ngoe e hlakileng le e sa fetoheng, joalokaha liketso tsa bona tsa borapeli ho Molimo li tšoana. Kaofela ba etsa lithapelo tse hlano tsa letsatsi le letsatsi, ba fana ka Zakat (monehelo o tlamang) ho tsoa maruong a bona, 'me ba itima nakong ea Ramadan (Khoeli ea borobong ea likhoeli tsa Islam). Nahana ka molao-theo oa bona, Quran e Halalelang, e leng buka e le 'ngoe linaheng tsohle. Allah ea Matla 'Ohle o re:

﴿...الْيَوْمَ أَكْمَلْتُ لَكُمْ دِينَكُمْ وَأَتِمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا فَمَنِ اضْطُرَّ فِي مَخْمَصَةٍ غَيْرِ مُتَجَانِفٍ لِإِثْمٍ فَإِنَّ اللَّهَ غَفُورٌ رَحِيمٌ﴾

Kajeno ke le phethetse Bolumeli ba lona sebakeng sa lona, 'me ke le phethile mohau oa Ka holim'a lona, 'me ke le khethetse Islam hore e be bolumeli ba lona. Empa mang kapa mang ea qobelloang ke tlala e matla ntle le ho ikemisetsa ho etsa sebe, ruri, Allah Ke Ea tsoarelang, Ea mohau. [Al Maidah: 3]

Allah O boetse O itse ka har'a Qur'an:

﴿قُلْ عَآمَنَّا بِاللَّهِ وَمَا أُنْزِلَ عَلَيْنَا وَمَا أُنْزِلَ عَلَىٰ إِبْرَاهِيمَ وَإِسْمَاعِيلَ وَإِسْحَاقَ وَيَعْقُوبَ وَالْأَسْبَاطِ وَمَا أُوتِيَ مُوسَىٰ وَعِيسَىٰ وَالنَّبِيُّونَ مِنْ رَبِّهِمْ لَا نُفَرِّقُ بَيْنَ أَحَدٍ مِنْهُمْ وَنَحْنُ لَهُ مُسْلِمُونَ﴾ ﴿٣١﴾ وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي

E-re: “Re lumetse ho Allah le ho seo re se senoletsoeng le se senoletsoeng Abrahama, Ishmaele, Isaaka, Jakobo, le al-Asbāt (bara ba Jakobo ba leshome le metso e mmeli), le ho tse ileng tsa fuoa Moshe, Jesu, le baporofeta ba tsoang ho Mong`a bona. Ha re khetholle le ea mong pakeng tsa bona 'me re Mamosleme (ba inehetseng) ho Eena.

'Me mang kapa mang ea labalabelang bolumeli bosele ntle le Islam, bo ke ke ba amohela ho eena, 'me ka letsatsi la kahlolo o tla ba hara ba lahlehetsoeng. [Al Imraan: 84-85]

Joale Bolumeli ba Islam ke mokhoa o akaretsang oa bophelo, e lumellana le tlhaho ea motho le monahano, 'me e amoheloa ke meea e phetseng hantle. Molao oa eona o entsoe ke 'Mopi e Moholo bakeng sa popo ea Hae. Ke bolumeli ba botle le thabo bakeng sa batho bohle lefatšeng lena le ka morao ho lefu. Ha e khetholle leloko le leng ho le leng, leha e le 'mala o mong ho o mong. Batho baa lekana ho eona. Ha ho motho ea khetholloang ka har'a Islam ho e mong haese ka tekanyo ea liketso tsa hae tse ntle.

Allah Ea Matla Ohle O re:

﴿مَنْ عَمِلَ صَالِحًا مِّنْ ذَكَرٍ أَوْ أَنَّىٰ وَهُوَ مُؤْمِنٌ فَلَنُحْيِيَنَّهٗ حَيٰوةً طَيِّبَةً وَلَنَجْزِيَنَّهُمْ أَجْرَهُم بِأَحْسَنِ مَا كَانُوا يَعْمَلُونَ﴾ ﴿٧٧﴾

Mang kapa mang ea etsang tse lokileng, ekaba e

motona kapa e motšehali, 'me e le molumeli, Ruri Re tla mo phelisa bophelo bo botle le bo monate; 'me Ruri Re tla ba putsa moputso oa bona (bophelong ba ka mor'a lefu) ho latela tse molemo ka ho fetisisa tseo ba neng ba li etsa. [an-Nahl: 97].

Islam ke tsela ea tharollo le khotso

Islam ke bolumeli ba Baporofeta bohle, 'me ke bolumeli ba Allah bakeng sa batho bohle, ha se bolumeli bo khethetileng ho Maarabia.

Islam ke tsela e isang thabong ea 'nete lefatšeng lena le thabong ea lefatšeng le tlang (ka mor'a lefu).

Islam ke eona feela bolumeli bo khotsofatsang litlhoko tsa moea le 'mele, le ho rarolla mathata 'ohle a batho. Allah ea Matla 'Ohle o itse:

﴿قَالَ أَهْبِطَا مِنْهَا جَمِيعًا بَعْضُكُمْ لِبَعْضٍ عَدُوٌّ فَإِمَّا يَأْتِيَنَّكُمْ مِنِّي هُدًى فَمَنِ اتَّبَعَ هُدَايَ فَلَا يَضِلُّ وَلَا يَشْقَى ﴿١٢٣﴾ وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَمَةِ أَعْمَى ﴿١٢٤﴾﴾

(O itse: “Theohang ho eona [e leng Paradeise] kaofela ba bang e tla ba lira ho ba bang. Joale haeba ho ka fihla tataiso ho lona e tsoang ho 'na, mang kapa mang ea latelang tataiso ea Ka a ke ke a kheloha ebile a ke ke a ba mahlomoleng).

'Me mang kapa mang ea furallang sehopotso sa Ka, ruri, o tla phela bophelo bo boima, 'me Re tla mo tsosa ka letsatsi la tsoho a foufetse. [Taha: 123-124]

Lemosleme le fumanang eng e molemo lefatšeng moo le bophelong bo tlang?

Islam enale le melemo e mengata haholo emeng ea eona ke:

Tlholo le tlhomphele lefatšeng lena ke hore motho e be mohlanka oa Molimo, ho seng joalo e tla ba mohlanka oa litakatso, oa Satane le litabatabelo.

Tlholo Letsatsing la Bofelo ho bolela hore Molimo o tla mo tšoarela, A mo fe thabo ea hae, A mo kenye Paradeiseng, 'me o mo fe thabo le khotsofalo e sa feleng, le hore a pholoso khahlanong le mollo oa lihele.

Molumeli Letsatsing la Tsoho o tla ba le baporofoa, ba 'nete, le bashoela-tumelo, le ba lokileng, 'me e tla ba sehlopha se monate hakakang! Haele ea sa lumeleng, o tla ba le tawaghit (melimo eohle ea bohata), le ba babe, le litlokothebe, le ba khopo.

Batho bao Allab A tla ba kenya Paradeiseng ba tla phela thabong e sa feleng ho se na lefu, bokulo, bohloko, botsofali kapa masoabi, 'me O tla phethahatsa litakatso tsa bona nthong e 'ngoe le e 'ngoe eo ba e batlang. Empa ba tla kena lihelong bona ba tla ba tlas'a kotlo e sa feleng.

Paradeiseng ho na le menyaka eo leihlo le so kang le e bona, tsebe e so kang e utloa, kapa kelello e so kang e nahana. Bopaki ba sena bo fumanoa mantsoeng a Molimo ea Matla 'Ohle moo areng:

﴿مَنْ عَمِلَ صَالِحًا مِّن ذَكَرٍ أَوْ أَنَّىٰ وَهُوَ مُؤْمِنٌ فَلَنُحْيِيَنَّهٗ حَيَوةً طَيِّبَةً وَلَنَجْزِيَنَّهُمْ أَجْرَهُم بِأَحْسَنِ مَا كَانُوا يَعْمَلُونَ﴾^(١٧)

Ea etsang liketso tse lokileng, ebang e le e motona kapa e motšehali, 'me e le molumeli, ruri Re tla mo phelisa bophelo bo botle, 'me ruri Re tla ba nea moputso oa bona [Bophelong bo Tlang] ho ea ka botle ba tseo ba neng ba li etsa. [Al nahl :97]

Ea Matla Ohle O itse:

﴿فَلَا تَعْلَمُ نَفْسٌ مَّا أُخْفِيَ لَهُم مِّن قُرَّةِ أَعْيُنٍ جَزَاءً بِمَا كَانُوا يَعْمَلُونَ﴾^(١٨)

Ha ho moea o tsebang se patiloeng ho bona e le matšelisano a mahlo e le moputso oa seo ba neng ba se etsa. [Al Sajda:17]

Motho eo e seng lemosleme o lahlehelo a ke eng?

Motho eo o tla lahlehelo a ke tsebo le bohlae bo bohola ka ho fetisisa, e leng tsebo le bohlae ka Molimo, 'me o tla lahlehelo a ke tumelo ho Molimo, e leng se fanang ka tšireletso le khotso ea kelello lefatšeng lena le thabo e sa feleng bophelong ba ka morao ho lefu.

Motho o tla lahlehelo a ke tumelo le ho khomarela buka e khola ka ho fetisisa eo Molimo a e senoletseng moloko oa batho.

O tla lahlehelo a ke tumelo ho baporofeta ba bahola, hammoho le setsoalle sa bona Paradeiseng ka Letsatsi la Tsoho, 'me o tla ba har'a bademona,

litloli tsa molao, le melimo eohle ea bohata mollong oa Lihele, 'me ke sebaka se sebe hakaakang sa bolulo le boahisani.

Allah Ea Matla Ohle O re:

﴿قُلْ إِنَّ الْخَاسِرِينَ الَّذِينَ خَسِرُوا أَنْفُسَهُمْ وَأَهْلِيَهُمْ يَوْمَ الْقِيَمَةِ أَلَا ذَلِكَ هُوَ الْخُسْرَانُ الْمُبِينُ﴾ ١٥ لَهُمْ مِّنْ فَوْقِهِمْ ظُلَلٌ مِّنَ النَّارِ وَمِن تَحْتِهِمْ ظُلَلٌ ذَلِكَ يُخَوِّفُ اللَّهَ بِهِ عِبَادَهُ يَعْبَادِ فَاتَّقُونِ ﴿١٦﴾

E re: "Ka 'nete, ba lahlehetsoeng ke ba tla lahlehelo a bona le malapa a bona ka Letsatsi la tsoho. Ha ho pelaelo hore hoo ke tahlehelo e totobetseng." (15)

Ba tla ba le marulelo a mollo ka holim'a bona le ka tlas'a bona. Ena ke tsela eo, Allah A kenyang tšabo ho bahlanka ba Hae: Oho lona bahlanka ba ka, joale le Ntšabe. (16) [Al Zumar:15-16]

Mang kapa mang ea labalabelang ho bolokeha ka Letsatsing la Tsoho o tlameha ho ba lemosleme, e leng ea mamelang Allah le ho latela Moromuoa oa Hae, khotso le litlhohonolofatso tsa Allah li be ho eena.

Ho tse ling tsa linnete tseo ho lumellanoeng ka tsona ke Baporofeta le baromuoa, khotso e be holim'a bona, ke hore ha ho ea tlang ho pholoha letsatsing la ho Qetela kante ho Mamosleme feela a neng a lumela ho Molimo ea Matla 'Ohle 'me a sa mo kopanye le mang kapa mang le borapeling, 'me a

lumela ho Baprofeta le baromuoa bohle, ba tla bolokeha ka ho sa Feleng. Balateli bohle ba baromuoa ba ileng ba lumela ho bona le ho tiisa bonnete ba bona ba tla kena Paradeiseng ba pholosoe liheleng.

Ba phetseng mehleng ea Moporofeta Moshe le ho lumela ho eena le ho latela lithuto tsa hae ke Mamosleme le balumeli ba lokileng. Leha ho le joalo, ka mor'a hore Molimo a romele Jesu, e ile ea e-ba setlamo hore balateli ba Moshe ba lumele ho Jesu le ho mo latela.

Ba ileng ba lumela ho Jesu ke Mamosleme a lokileng, 'me ba hanang ho lumela ho Jesu 'me ba re, "Re tla lula re le bolumeling ba Moshe," hase balumeli hobane ba hanne ho lumela ho moporofeta ea rometsoeng ke Molimo.

Joale, ka mor'a hore Molimo a romele Moromuoa oa ho qetela oa baromuoa, Muhammad (khotso le litlhohonolofatso tsa Allah li be le eena), e ile ea e-ba setlamo hore bohle ba lumele ho eena. Hoba Morena ke ea romileng Moshe le Jesu, mme ke Eena ea Moromuoa oa ho qetela oa baromuoa, Muhammad (khotso e be le eena). Kahoo mang kapa mang ea hanang molaetsa oa Muhammad mme o re ke tla lula ke le molateli oa Moshe kapa oa Jesu ea joalo ha se molumeli.

Ha hoa lekana hore motho a re o hlompha Mamosleme, seo ha sea lekana hore a pholohe Letsatsing la Tsoho ho fana ka lithuso le ho thusa

mafutsana. Ho e-na le hoo, e tlameha e be molumeli ho Allah, le ho libuka tsa hae, le ho baromuoa ba hae, le ho Letsatsi la ho Qetela, e le hore Allah a ka amohela seo ho eena. Hobane ha ho sebe se fetang ho kopanya Allah le balekane khumamelong, ho se lumele ho Allah, ho hana tšenolo eo Allah a e rometseng, kapa ho lahla boporofeta ba Moprofeta oa ho qetela, Muhammad.

Bajuda, Bakreste, le ba bang ba utloileng ka thomo ea Muhammad, Moromuoa oa Allah (khotso le litlhohonolofatso li be holim'a hae), 'me ba hana ho lumela ho eena, ba hana ho kena tumelong ea Islam, ba tla kena mollong oa lihele, ba lule ho oona ka ho sa feleng. Ena ke kahlolo ea Molimo, eseng kahlolo ea motho ofe kapa ofe. Allah ea Matla Ohle o itse:

﴿إِنَّ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ فِي نَارِ جَهَنَّمَ خَالِدِينَ فِيهَا أُولَئِكَ هُمْ شَرُّ الْبَرِيَّةِ﴾

Ruri ba sa lumeleng har'a batho ba Lengolo le barapeli ba litšoantšo ba tla kena mollong oa lihele, ba hlole ho oona ka ho sa feleng. (6) [Al Bayyinah: 6]

Kaha molaetsa oa ho qetela o tsoang ho Molimo o senotsoe ho batho, motho e mong le e mong ea utloang ka Islam 'me a utloa ka molaetsa oa Moprofeta oa ho qetela Muhammad (khotso e be holim'a hae) o tlameha ho lumela ho oona, a latele

molao oa oona, 'me a o boloke ho seo e se laelang le ho se hanela. Ka hona, mang kapa mang ea utloang molaetsa ona oa ho qetela 'me a o hana, Allah a ke ke a amohela letho ho tsoa ho eena, 'me o tla mo fa kotlo ka Letsatsi la Kahlolo.

Bopaki bo bong ke moo a reng:

﴿وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ﴾^(٨٥)

Mang kapa mang ea labalabelang bolumeli bosele ntle le Islam, bo ke ke ba amoheloa ho eena, mme ka letsatsi la kahlolo o tla ba hara ba senyehetsoeng. [Al Imraan: 85]

Eaba Allah Ea Matla Ohle O re:

﴿قُلْ يَتَاهَلِ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ وَلَا نُشْرِكَ بِهِ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِّن دُونِ اللَّهِ فَإِن تَوَلَّوْا فَقُولُوا اشْهَدُوا بِأَنَّا مُسْلِمُونَ﴾^(٨٦)

E re: “Lōna batho ba Lengolo, tlohong lentsoeng le lokileng pakeng tsa rona le lona, le reng re ke ke ra khumamela mang kapa mang haese Allah feela, 'me re ke ke ra mo kopanya le letho, 'me ho se be le ea nkang ba bang e le melimo kathoko ho Allah. Empa haeba ba ka furalla, joale le-re: “Pakelang hore ruri re Mamosleme [re inehetse ho Eena]. (64) [Al Imraan: 64]

Ke eng se tlaammeng lemosleme?

Lemosleme le tlameha ho lumela ho litšiea tsena

tse tšeletseng:

Ho lumela ho Molimo ea Matla 'Ohle, hore ke 'Mopi, Mohlokomeli, Mookameli, Monghali, hore ha ho letho le tšoanang le Eena, le hore ha a na mosali kapa ngoana, le hore ke Eena feela ea tšoaneloang ke khumamelo, le hore ha ho letho mang kapa mang ea lokelang ho rapeloa hammoho le Eena, le hore borapeli ba ntho leha e le efe e khumameloang ka ntle ho Eena ke borapeli bo fosahetseng.

Tumelo ho mangeloi ke hore ke bahlanka ba Molimo ea Matla 'Ohle, ba bopiloeng ka leseli, le hore o mong oa mesebetsi ea bona ke ho theola tšenolo ho baporofeta ba Hae.

Tumelo libukeng tsohle tseo Molimo a li senoletseng baporofeta ba hae, joalo ka Torah le Kosepele pele li sothoa, le buka ea ho qetela, Quran e Halalelang.

Tumelo ho baromuoa bohle be kang Noe, Abrahama, Moshe, Jesu, le oa ho qetela oa bona, Muhammad, bao e leng batho, bao Molimo a ileng a ba tšehetsa ka tšenolo le ho fana ka lipontšo le mehlolo e bontšang bonnete ba bona.

Tumelo ho Letsatsi la Kahlolo moo Allah A tla tsosa ba pele le ba morao, 'me Allah O tla ahlola lipakeng tsa libopuo tsa Hae, 'me A kenye balumeli Paradeiseng le ba sa lumeleng Liheleng.

Tumelo ea ho rereloa qetello esale pele le hore Molimo o tseba ntho e 'ngoe le e 'ngoe, se neng se le teng nakong e fetileng le se tla etsahala nakong e

tlang, le hore 'Mopi O ne a se tseba, O se ngotse, O ratile hore se etsahale, 'me a bōpa ntho e 'ngoe le e 'ngoe.

Le ho khumamela Allah ka seo a se laetseng, e leng thapelo, ho fana, ho itima, le ho nka Leeto la Selumeli ha bokhoni bo joalo bo le teng. Joale o tlameha ho ithuta bolumeli ba hae, boo e tla ba mohloli oa thabo ea hae lefatšeng lena le poloko ea hae ka ka morao ho lefu.



Ke mang ea entseng bokahohle? 'Me ke bopiloe ke mang?	
Hobane'ng?.....	2
Morena, Mmopi e moholo.....	4
Enoa ke Morena, 'Mopi le Mofani, ke Molimo ea Matla 'Ohle.	5
Litšobotsi tsa Morena 'Mōpi.....	6
Morena ea rapeloang o khetholloa ka litšobotsi tsa phetheho.	7
Ke hobane'ng ha 'Mōpi enoa e Moholo a re bōpile? 'Me O batla eng ho rona?.....	10
Hobaneng barumouoa bane bale bangata?.....	14
Motho eka se be molumeli ho fihlela a lumela ho barumouoa kaofela.....	15
Qu'ran e Halalelang ke eng?.....	17
Bolumeli ba Islam ke eng?.....	18
Islam ke tsela ea tharollo le khotso	21
Lemosleme le fumanang eng e molemo lefatšeng moo le bophelong bo tlang?.....	22
Motho eo e seng lemosleme o lahlehelo ke eng?	23
Mang kapa mang ea labalabelang ho bolokeha ka Letsatsing la Tsoho o tlameha ho ba lemosleme, e leng ea mamelang Allah le ho latela Moromouoa oa Hae, khotso le litl'hohonolofatso tsa Allah li be ho eena.....	24
Ke eng se tlameng lemosleme?	27





رسالة الحرمين

Message of The Two Holy Mosques

Guidance content for the visitors of the Holy Mosque and
the Prophet's Mosque in languages.

